



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL

Komunikadu Imprensa

Periodu: 2011

Edisaun: 18/10/2011

JSMP hala'o semináriu ba estudantes Ensinu Sekundáriu Públiku Dom Martinho Lopes Maliana

Iha loron 12/10/2011, JSMP liu husi Unidade Justisa ba Feto hala'o semináriu ba estudantes Ensinu Sekundáriu Públiku Dom Martinho Lopes Maliana, Distritu Bobonaro. Seminariu ne'e ho tópiku *“Prepsetiva jéneru iha Kódigu Penál, Prosesu Penál no mos Lei Kontra Violénsia Doméstika”*.

Partisipa iha semináriu ida ne'e partisipantes hamutuk 62 ne'ebé kompostu husi feto nain 42 no mane nain 20.

Diretór JSMP, Luis de Oliveira Sampio haktuir katak *“Semináriu ba Eskola Sekundáriu Públiku Dom Martinho Lopes ne'e hanesan semináriu ba dala ikus husi semináriu hotu ne'ebé mak JSMP halo ona ba estudantes nivel sekundáriu sira iha tinan 2011, maibé sei kontinua fali iha tinan oin mai ba ensinu sekundáriu sira seluk”*

Liu tan Diretór ne'e mos haktuir katak *“JSMP hili estudantes ensinu sekundáriu sira nu'udar alvu ba semináriu ida ne'e, tanbá aliende atu fahe informasaun legal ba estudantes sira, nune'e mós iha tempu hanesan atu enkoraja estudantes ensinu sekundáriu sira, liu-liu estudantes feto sira wainhira remata sira nia estudu, bele hili fakuldade de direitu iha universidade, no depois bele kompete iha Sentru Formasaun Judisiáriu hodi sai autor judisiáriu nune'é bele aseguara balansu jéneru iha setor justisa”*.

Iha parte seluk, Diretór Ensinu Sekundáriu Públiku Dom Martinho Lopes iha ninia intervensaun wainhira ensera semináriu ne'e, agradece tebes ba JSMP tanbá bele hala'o semináriu hanesan ne'e ba estudantes Ensinu Sekudariu sira tanbá nu'udar estudantes, sira iha papel atu hatudu ezemplu diak iha comunidade no bele ajuda haklaken informasaun legal ne'ebé mak sira hetan durante semináriu.

Iha semináriu ne'ebé mak hala'o, JSMP observa katak estudantes sira antuziasmu tebes ho materia ne'ebé mak hato'o husi oradores sira no ativu iha sesaun husu no hatan ne'ebé mak hala'o no provoka diskusaun sai interesante tebes.

Programa semináriu ba estudantes sira ne'e lao ho susesu, tanbá hetan kolaborasaun diak husi Diretór Ensinu Sekundáriu Públiku Dom Martinho Lopes Maliana no profesores sira.

Programa ne'e bele realiza tanbá hetan suporta finanseiru husi The Royal Norwegian Embassy iha Jakarta.

Atu hetan informasaun kle'an, favor kontaktu:

Luis de Oliveira Sampaio

Diretór Ezekutivu JSMP

Email: luis@jsmp.minihub.org

Landline: +670 3323883